

Usah gopoh tunai haji,
ambil kira kemampuan diri

Oleh RAIHAM MOHD SANUSI
SHAH ALAM

ibadah haji merupakan rukun kelima dalam Islam dan ia wajib ke atas umat Islam sekurang-kurangnya sekali seumur hidup.

Namun, Islam menetapkan salah satu daripada syarat-syarat wajib haji ialah istitio'ah atau berkemampuan.

Konsep istitio'ah dalam ibadah haji rangkumi pelbagai aspek antaranya berkemampuan dari sudut kewangan, kesihatan, keselamatan, kenderaan dan perlu mendapatkan tasrih atau kebenaran untuk melaksanakan haji iaitu nota dan visa.

Untuk membantu memastikan umat Islam di negara ini memenuhi konsep istitio'ah dalam menunaikan ibadah itu, Lembaga Tabung Haji (TH) telah memberikan Bantuan Kewangan Haji atau subsidi haji kepada jemaah sejak 2011 dan telah menambah baik mekanisme itu secara bersasar bermula tahun 2022.

Menurut Pensyarah Pusat Kajian Syariah, Fakulti Pengajian Islam, Universiti Kebangsaan Malaysia (UKM), Profesor Madya Datuk Dr Mohd Izhar Eff Mohd Kashim, sehingga kini TH telah berusaha sedaya-upaya membantu umat Islam menunaikan ibadah haji.

"Umat Islam dibantu mengerjakan ibadah haji dengan cara mereka perlu menjadi pendeposit TH dan mendaftarkan nama mereka untuk menaiki ibadah berkenaan.


"Kemudian simpanan TH akan pastikan yang disimpan oleh jemaah haji dapat digunakan sebaik mungkin apabila tiba waktunya," katanya kepada Sinar Harian.

Namun, Mohd Izhar menjelaskan bahawa umat Islam yang menunaikan ibadah haji perlu memenuhi syarat istitio'ah yang ditetapkan Islam termasuk mengambil kira soal keperluan dan bajikan orang di bawah tanggungannya yang ditinggalkan seketika.

"Bagaimanapun, sekiranya ada pihak yang melaikan golongan yang tidak cukup istitio'ah menunaikan haji, maka mereka tersebut telah termasuk dalam golongan yang berkemampuan dari segi kewangan ketika menunaikan haji.

"Tetapi pada masa sama, orang itu perlu memastikan dirinya turut berkemampuan dari sudut fizikal, kesihatan selain ada kemampuan kewangan untuk menanggung keluarga

Bantu TH tingkatkan pulangan pendeposit



Umat Islam yang menunaikan ibadah haji perlu memenuhi syarat istitio'ah dan perlu mengambil kira soal keperluan serta bajikan orang di bawah tanggungannya yang ditinggalkan.

yang di bawah tanggungjawab mereka di Malaysia kerana jemaah perlu pastikan mereka berada dalam keadaan aman dan selamat," jelas beliau.

Tidak perlu tergesa-gesa

Oleh itu, beliau menasihati orang ramai yang ingin menunaikan haji tetapi belum menepati konsep 'istitio'ah agar tidak perlu tergesa-gesa untuk segera menunaikan ibadah berkenaan.

"Jangan putus asa cari rezeki dan teruskan menyimpan di TH. Bila sudah cukup kemampuan dan ada kelayakan, insya-ALLAH mereka akan dapat menunaikan ibadah haji pada waktu yang ditetapkan," tambahnya.

Menurut Mohd Izhar, TH setakat ini juga dilihat telah melakukan pendekatan yang terbaik bagi memastikan kuota haji yang diamanahkan Arab Saudi kepada kerajaan Malaysia diberikan kepada mereka yang betul-betul berhak iaitu berdasarkan giliran.

Sementara itu, pendakwah bebas, Datuk Mohd Kazim Elias berkata, menunaikan haji menjadi keifarduan kepada setiap umat Islam yang berkemampuan melaksanakannya.

"Jika tidak mampu kerana faktor-faktor kesihatan, kelemahan fizikal atau

hilang keupayaan termasuklah dari sudut akal maka keifarduan itu gugur dan bolehlah ahli keluarga melaksanakan badal haji untuknya.

"Bagi orang ramai yang ingin menunaikan haji tetapi masih belum tepati konsep istitio'ah pula, yang penting niat untuk buat haji itu perlu disertai dengan usaha dan tawakal.

"Jaga kesihatan, tingkatkan ilmu pengetahuan dan ajar anak-anak menabung seawal usia kecil," kata beliau.

Mohd Kazim memberitahu, selama berpuluh tahun, umat Islam di Malaysia dibantu mengerjakan ibadah haji hasil pengurusan yang cekap oleh TH yang sentiasa mengutamakan kepentingan pendeposit.

Ujarnya, bantuan kepada jemaah dalam bentuk Bantuan Kewangan Haji secara bersasar patut diteruskan kerana ia sangat diperlukan segelintir pendeposit.

"Bagi yang berkemampuan (dari segi kewangan) bolehlah memberikan bantuan yang sepatutnya diperoleh mereka kepada individu lain yang tidak berkemampuan," syornya.

Sinar Harian pada 2 November lalu melaporkan berlaku peningkatan jumlah jemaah haji yang menolak Bantuan Kewangan Haji apabila mereka membayar penuh kos menunaikan ibadah itu sebanyak RM30,850 bagi musim haji tahun ini.

Menurut TH, pada musim haji tahun 1444H/2023, seramai 67 orang dari kalangan B40 dan M40 menolak Bantuan Kewangan Haji secara total dan membayar penuh manakala 396 jemaah haji telah membayar RM1,000 hingga RM12,000 lebih daripada kadar bayaran haji yang ditetapkan. Ini berbanding musim haji 1443H/2022M yang lalu yang

mana seramai 44 orang jemaah telah membuat bayaran penuh kos haji.

Katanya, peningkatan jumlah jemaah haji yang membayar kos haji penuh tersebut jelas menunjukkan kesedaran umum dan jemaah mengenai kepentingan istitio'ah dalam ibadah haji.

Dalam pada itu, pesara pensyarah, Raja Sulaiman Raja Lope Ahmad, 61, berkata, peningkatan jumlah jemaah yang membayar kos penuh haji tersebut akan dapat mengurangkan perbelanjaan TH.

"Alhamdulillah, ini satu perkembangan yang baik. Ia secara tidak langsung akan menambah simpanan TH selain ia juga baik kepada pendeposit yang mengharapkan pulangan tabungan yang memuaskan," katanya yang membayar penuh kos menunaikan haji pada tahun lalu.

REAKSI



“Keutamaan kuota haji perlu diberikan kepada mereka yang benar-benar mampu menyalurkan belanja secara penuh tanpa mengharapkan subsidi dari TH. Subsidi haji sepatutnya dikecilkan jumlahnya supaya pulangan kepada pendeposit lebih tinggi. Daripada pulangan itulah sebenarnya akan menjadikan seseorang yang tidak mampu bertukar menjadi istitio'ah.



- Bekas penerima kuota haji TH, Abdul Hadi Abdul Raman, 37.



“Sekiranya ada mana-mana fakir miskin dan muallaf terima tajaan haji, itu rezeki mereka. Namun, mereka perlu dipastikan ada kemampuan untuk sedialan perbelanjaan orang yang di bawah tanggungjawab mereka seperti isteri dan anak. Saya sahkan subsidi bersasar dilaksanakan kerana ia akan membantu golongan yang benar-benar layak dan mengurangkan beban tanggungan TH.



- Imam Masjid, Mohd Rosdan Mohamad, 50.



MOHD IZHAR



MOHD KAZIM



RAJA SULAIMAN